

BOSNA I HERCEGOVINA
FEDERACIJA BOSNE I HERCEGOVINE
GRAD LUKAVAC
GRADONAČELNIK
SLUŽBA CIVILNE ZAŠTITE I
ZAJEDNIČKIH POSLOVA
Broj: 08-04-2866/22
Lukavac, 06.10.2022. godine

Na osnovu člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14) i Rješenja Ureda za razmatranje žalbi Filijala Mostar broj: JN2-03-07-1-2282-8/22 od 15.09.2022. godine u konkurentnom postupku javne nabavke dvodijelnih odijela za gašenje šumskih požara, Pomoćnik Gradonačelnika za Službu civilne zaštite i zajedničkih poslova d o n o s i

O D L U K U

Član 1.

Prihvata se preporuka Komisije za provođenje postupka javne nabavke broj: 08-04-2866/22 od 04.10.2022. godine, te se Ugovor za javnu nabavku dvodijelnih odijela za gašenje šumskih požara za potrebe Službe zaštite od požara dodjeljuje ponuđaču „**FINANC**“ d.o.o Mostar, koji je dostavio ponudu broj: 77/22-FM od 07.07.2022. godine, za ponuđenu cijenu u vrijednosti od 15.750,00 KM bez PDV-a i rokom plaćanja 30 (trideset) dana od dana prijema računa, kao najpovoljnijem ponuđaču.

Član 2.

Ured za razmatranje žalbi, filijala Mostar je Riješenjem broj: JN2-03-07-1-2282-8/22 od 15.09.2022. godine poništio Odluku o izboru najpovoljnijeg ponuđača broj: 08-04-2866/22 od 20.07.2022.godine.

Član 3.

Ova odluka objavit će se na internet stranici ugovornog organa (www.lukavac.ba) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 08-02-2769/22 od 21.06.2022. godine. Javna nabavka sprovedena je u konkurentnom postupku nabavke. Procjenjena vrijednost javne nabavke bez PDV-a je 17.000,00 KM.

Obavještenje o nabavci broj: 719-7-1-55-3-79/22 objavljeno je na Portalu javnih nabavki dana 29.06.2022. godine.

Nakon provedene procedure Ugovorni organ je donio Odluku o izboru najpovoljnijeg ponuđača broj: 08-04-2866/22 od 20.07.2022. godine, protiv koje je ponuđač „FINANC“ d.o.o Mostar putem punomoćnika Nezirc Sanela, advokata iz Sarajeva, čija je ponuda odbačena kao nepotpuna, uložio žalbu. Ugovorni organ je navedenu žalbu u skladu sa članom 100. stav 5. Zakona o javnim nabavkama, uz izjašnjenje po žalbi broj: 08-04-2866/22 od 10.08.2022. godine sa kompletnom dokumentacijom u vezi sa predmetnim postupkom prosljedio Uredu za razmatranje žalbi BiH-Filijala Mostar. Dana 16.09.2022. godine Ugovorni organ je zaprimio Rješenje Ureda za razmatranje žalbi BiH-Filijala Mostar broj: JN2-03-07-1-2282-8/22 od 15.09.2022. godine, u kome stoji da se usvaja žalba ponuđača „FINANC“ d.o.o Mostar, da se poništava Odluka o izboru najpovoljnijeg ponuđača, te se predmet vraća Ugovornom organu na ponovo odlučivanje.

Postupajući po uputama iz Rješenja broj: JN2-03-07-1-2282-8/22 od 15.09.2022. godine, odlučeno je kao u članu 1. ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke. Žalba se podnosi putem ugovornog organa, u pisanoj formi direktno ili preporučenom poštanskom pošiljkom na adresu: Grad Lukavac-Služba civilne zaštite i zajedničkih poslova, Trg Slobode 1, 75300 Lukavac, a izjavljuje se Uredu za razmatranje žalbi u Mostaru. Žalba se podnosi u najmanje 3 (tri) primjerka.

Dostaviti:

1. „Teve Varnost Elektornika“ d.o.o Visoko
2. „Financ“ d.o.o Mostar
3. Arhivi

**PO OVLAŠTENJU GRADONAČELNIKA
POMOĆNIK GRADONAČELNIKA**

(ovlaštenje broj: 02-30-98/22 d 07.03.2022.godine)

Edin Hamzić, dipl.ing.

